

ZBULO BUKURINË E TIJ NË VETËM 7 MINUTA
Pjesa 1 nga 7

Dr. Naxhi IBRAHIM

VETËM MAJA E AJSBERGUT

Përktheu: Laureta Rexha

Redaktor: Dr. Sedat Islami

AUTOR: DR. NAJI IBRAHIM/ EDITOR: ANN RONAYNE/ DIZAJNI: DR. WASEEM RIAZ

VETËM MAJA E AJSBERGUT

Na...

- Frymëzon të kemi qëllime të mira, qëndrime pozitive dhe ndjenja të mira ndaj të tjerëve.
- Mëson t'i falim të tjerët dhe të duam për ta atë që duam për vete.
- Nxit të buzëqeshim sinqerisht dhe të jemi të gëzuar dhe optimistë.
- Udhëzon të veprojmë dhe të sillemi me të tjerët me mirësjellje dhe respekt.
- Urdhëron të kemi sjellje të mira me njerëzit.
- Mëson të jemi të butë me kafshët, zogjtë dhe ambientin ku jetojmë.
- Udhëzon t'i respektojmë dhe të sillemi mirë me prindërit tanë dhe të vjetrit si dhe të jemi të mirë me gratë dhe anëtarët e tjerë të familjes.

A je kureshtar të dish rreth tij? Me lejo të të tregoj pak më shumë!

Ai gjithashtu na...

- Inkurajon t'i ndihmojmë, ushqejmë dhe mbështesim të dobëtit, të varfrit, nevojtarët dhe të paaftët.
- Udhëzon të jemi dorëdhënës, bamirës dhe bashkëpunues.
- Nxit të jemi pozitivë duke marrë pjesë në punë vullnetare dhe në shërbim të komunitetit.
- Tregon që njerëzit më të mirë janë ata që janë më të dobishëm ndaj të tjerëve.
- Thekson se njerëzit më të nderuar dhe më fisnikë janë ata që janë më të devotshëm dhe të drejtë, zemrat e të cilëve janë të pastra nga xhelozia, urrejtja dhe mendjemadhësia.
- Nxit të mendojmë, të meditojmë dhe të arsyetojmë dhe t'i bazojmë besimet dhe gjykimet tona mbi argumente.

Përpara se ta zbuloj sekretin, më lejo të të tregoj se ai po ashtu...

- Na mëson se të gjithë njerëzit janë të barabartë, pavarësisht racës, ngjyrës apo kombësisë.
- Na ndalon të gjitha format e ndarjes, diskriminimit në bazë të klasave dhe racizmit.
- Na urdhëron të mbajmë siguri, të përhapim paqe dhe të jetojmë në paqe dhe harmoni mbi tokë.
- Na udhëzon të mos i shkelim të tjerët duke iu vjedhur atyre para ose pronë.
- Ndalon vrasjen e të pafajshmëve, tradhtinë, mashtrimin dhe thyerjen e marrëveshjeve.
- Udhëzon të shmangim urrejtjen dhe armiqësinë ndaj të tjerëve.
- Udhëzon që të mos i lëndojmë, përflasim, përqeshim apo nënçmojmë të tjerët.
- Urdhëron të mos mashtrojmë, të mos gënjejmë apo të mendojmë keq ndaj të tjerëve.
- Udhëzon në vërtetësi, drejtësi, besueshmëri, bamirësi apo modesti.
- Udhëzon që të mbajmë lidhje të mirë me Krijuesin tonë, veten dhe me të tjerët.

Në të vërtetë, udhëzon në të vërtetën përfundimtare dhe në sukses, në qetësinë e vërtetë të mendjes, në lumturi reale, në shpëtim dhe jetë të përherëshme.

Tani, më lejo të të tregoj se për çfarë e kam fjalën...

Është ISLAMI!

Nëse mendjet janë të robëruara nga paragjykimi dhe mendjengushtësia, ato nuk mund ta njohin asnjëherë bukurinë ose të vërtetën e Islamit!

Ndoshta shumë lexues tashmë kanë nocione negative të formuara për Islamin.

Ndoshta ata e kanë parë Islamin vetëm ashtu siç është pasqyruar nga mediat, me fokusin te terroristët, ata pak terroristë, të cilët do të ishin të tillë edhe pavarësisht fesë.

Ndoshta ata kanë lexuar apo dëgjuar për Islamin nga burime jo të mirëfillta dhe të njëanshme.

Sidoqoftë, nëse je i interesuar të zbulosh informacione më të besueshme për Islamin, të ftoj që ta lexosh në mënyrë objektive dhe me mendje të hapur këtë fragment dhe pjesë të tjera të serive **ZBULOJE BUKURINË E TIJ NË 7 MINUTA**, që vërteton bukurinë dhe thjeshtësinë e Islamit dhe ofron informacione rreth:

- Krijimit të universit
- Krijimit tonë
- Anës tonë shpirtërore
- Konceptit të pastër mbi Zotin
- Konceptit të adhurimit
- Qëllimit të jetës
- Rrugës drejt lumturisë së vërtetë dhe kënaqësisë madhore, dhe
- Stacionit tonë final në botën tjetër.

ISLAMI JEP PËRGJIGJE PËR PYETJE KRITIKE SI KËTO:

- Cila është e vërteta përfundimtare?
- Kush na krijoi?
- A ekziston Zoti?
- Kush është Profeti i fundit i Zotit?
- Kë duhet të adhurojmë?
- Kush jemi ne?
- Pse jemi këtu?
- Çfarë ndodh me ne pasi të vdesim?
- Si do të jetë bota tjetër?
- Cili është stacioni ynë i fundit, parajsa apo ferri?
- Si mund të arrijmë paqen mendore, suksesin dhe lumturinë reale?
- Si mund ta fitojmë botën tjetër?

ZBULOJE TË VËRTETËN RRETH ISLAMIT

Sa më shumë që lexon dhe mëson rreth Islamit nga burimet e mirëfillta dhe të besueshme, aq më shumë do të zbulosh se është feja e vërtetë e Ademit dhe Havasë (Adamit dhe Evës) dhe e pasardhësve të tyre deri në ditën e fundit të kësaj bote. Feja islame është e thjeshtë, logjike, e qartë, praktike dhe gjithëpërfshirëse.

Bukuria e Islamit është e pafund sepse vjen nga Ai që s'ka fund, nga Krijuesi.

Zoti i vetëm i vërtetë, Allahu, thotë në Kuranin e bukur dhe të pandryshueshëm:

“...Sot jua përsosa fenë tuaj, e plotësova dhuntinë Time ndaj jush dhe zgjodha që Islami të jetë feja juaj....” (Kurani, 5:3)¹

Zoti i njëjtë i vërtetë na tregon se Muhamedi, paqja qoftë mbi të, është i Profeti i Tij i fundit, i dërguar për tërë njerëzimin (hebrenjtë, të krishterët, muslimanët, hindusët, budistët, ateistët, agnostikët dhe të tjerët). Allahu ua ofron udhëzimin dhe dritën e Tij të gjithë njerëzve. Ai zbulon sekretet dhe çelësat përmes të cilëve ne mund ta arrijmë qetësinë dhe kënaqësinë, si dhe paqen shpirtërore globale.

Islami na mëson të jemi të drejtë, të mençur, të sinqertë, të ndershëm, objektivë dhe mendjehapur në kërkim të së vërtetës.

¹ Përkthimi i kuptimit të ajeteve është huazuar nga përkthimi i kuptimeve të Kur'anit nga Hasan Nahi.

EMRAT DHE TERMAT BAZIKË ISLAMË

Allah: Në gjuhën arabe emri Allah është emri kryesor i Zotit të vërtetë, Krijuesit. Islami na mëson se Allahu është Zoti i vërtetë i gjithë njerëzimit. Arabët hebrenj dhe të krishterë e përdorin po kështu këtë emër (Allah) për t'iu referuar Zotit dhe kjo fjalë përdoret për Zotin në Biblat e shkruara në gjuhën arabe po ashtu.

Muhamed: Profeti i fundit i Zotit të vetëm të vërtetë (Allahut), i dërguar i të gjithë njerëzimit (paqja dhe mëshira e Allahut qofshin mbi të).

Kurani i Madhërishëm: Është fjala e fundit e Zotit të vetëm të vërtetë (Allahut), siç i është shpallur Profetit Muhamed.

Islami: Nënshtrim ndaj vullnetit të Zotit të vetëm të vërtetë (Allahut), Krijuesit.

Muslimani: Ai që i nënshtrohet vullnetit të Zotit të vetëm të vërtetë (Allahut), Krijuesit.

A JE ENDE KURESHTAR?

Nëse je kureshtar dhe i/e interesuar të zbulosh më shumë informata dhe detaje rreth Islamit, ju lutem vizito webfaqen tonë: www.discoveritsbeauty.com

Ndihuni të lirë të na dërgoni me e-mail pyetjet dhe kritikrat tuaja në:
info@discoveritsbeauty.com

SERITË E 'ZBULOJE BUKURINË E TIJ
NË 7 MINUTA'

WEBFAQET E DOBISHME ISLAME

- | | |
|--|---|
| 1) Vetëm maja e ajsbergut | http://www.allahsquran.com |
| 2) Feja e Ademit dhe Havasë | http://www.quranexplorer.com |
| 3) ABC-ja e Islamit | http://www.islamhouse.com |
| 4) Përgjigje ndaj pyetjeve madhore të njerëzimit | http://www.edialogue.com |
| 5) Emrat e Tij të bukur | http://www.islamreligion.com |
| 6) Shpallja e fundit | |
| 7) I Dërguari i fundit | http://www.newmuslimguide.com |

DËSHMIA E BESIMIT

HYRJA NË ISLAM

“Dëshmoj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”

Në arabisht lexohet:

أشهد أن لا إله إلا الله
وأشهد أن محمدا رسول الله

që në shqip tingëllon sikurse më poshtë:

ESH-HEDU EN LA ILAHE IL-LA ALLAH,
VE ESH-HEDU ENNE MUHAMMEDEN RESULULLAH!

Kjo është dëshmia e besimit që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.